



Rådet for menneske med nedsett funksjonsevne i Osterøy

Årsmelding 2020

Kva er Rådet for menneske med nedsett funksjonevne i kommunen?

Rådet er eitt av tre lovpålagte kommunale medverknadsorgan, og skal sikra at funksjonshemma sine interesser og synspunkt vert ivaretekne i folkevalde organ. Rådet har ikkje vedtaksmynde, men er eit rådgjevande organ for kommunen i alle saker som vedkjem personar med nedsett funksjonsevne.

Det vil seie at rådet har rett til å uttale seg, både på eige initiativ og i saker dei får tildelt, og desse uttalane skal følgje saksdokumenta til det kommunale organet som fattar vedtak i dei einskilte sakene. Dette inneber eit breitt saksområde, og kan til dømes vere (men er ikkje avgrensa til) saker som omhandlar budsjett, kommunale planar, samferdsel, helse- og omsorgstenester, og kulturtilbod og friluftsliv.

SAMANSETJING AV RÅDET

Rådet har fem medlemmer med varamedlemmer som alle er valde av kommunestyret for valperioden 2019 - 2023. Nytt råd vert valt hausten etter at kommunestyre- og fylkestingsvalet er gjennomført. Organisasjonar som representerer folk med nedsett funksjonevne har rett til å fremje kandidatar, men kommunestyret kan også velje medlemmer utanom desse forslaga. Rådet vel sjølv leiar og nestleiar.

Rådet for menneske med nedsett funksjonsevne har no følgjande medlemmer og varamedlemmer:

Medlemmer	Foreslått av	Varamedlemmer	Foreslått av
Inge Johannes Reigstad, leiar	Osterøy Revmatikarlag	Håvard Jacobsen Reigstad	Osterøy Revmatikarlag
Aksel Låstad, nesteleiar	SAFO Sørvest	Roald Hauge	SAFO Sørvest
Oddvar Melchersen	LHL Osterøy	Åse Olsnes	LHL Osterøy
Ingvild Stuberg	Osterøy hørselslag	Knut Tormod Bruvik	Osterøy
Dagrun Vevle	NFU Osterøy	Kåre Hagebø	
Berit M. Borge	Heradsstyret	Anne-Mari Hannisdal	Heradsstyret

Rådet konstituerte seg i møtet 03. mars etter at heradsstyret hadde gjort nytt val av medlemmer og varamedlemmer til rådet.

AKTIVITET I 2020

Rådet har hatt sju møte, inkludert to dagar med opplæring for medlemmene i regi av Vestland fylkeskommune og FFO Vestland.

Koronasituasjonen og smittevernomsyn har påverka aktivitetsnivået i rådet, då det store delar av året har vore restriksjonar i høve til fysisk møte og samlingar.

SAKER I 2020

Rådet har handsama sakene som er lagt fram for rådet.

Rådet har m.a. gitt uttale i følgjande saker:

Områderegulering Lonevåg – 1. gongs behandling

Temaplan for trafikksikring

Budsjett 2021 og økonomiplan 2022 – 2024

Rådet har og teke opp konsekvensane av manglande avtale om pasientreiser frå/til Osterøy, og har bede kommunen om å medverka til ei snarleg løysing på dette.

ARBEIDET I 2021

Rådet skal sikre at synspunkt frå menneske med nedsett funksjonsevne vert ivareteke i kommunale avgjersler, men er, likeeins med dei to andre råda i kommunen, avhengig både av at rådet er kjend blant dei tilsette i administrasjonen, og at øvrige folkevalde tek innspela frå rådet med i vurderingane. Rådet ser fram til eit aktivt år med godt samarbeid, der vi forhåpentlegvis kan vere meir fysisk tilstades ute i kommunen, og saman med andre aktuelle samarbeidspartnarar. Ivaretaking av rettigheter for menneske med nedsett funksjonsevne er langt meir enn gode helse og omsorgstenester; Samfunnsdelen til kommuneplanen og kommunale planar er viktige arbeidsområde for å i vare tilgjenge og deltaking for i samfunnet for alle uavhengig av alder og funksjonsnivå.